



05450

老

小山詩後稿目錄

卷一

余自甲辰都門旋里丁未春近客楓江方生定之

為余召仙適青蓮降乩道余生平甚悉皆寓七

言一律中程逸園賦詩枉訊次韻答之

二月十三日家箴六檢討六十誕辰聞是日泛舟

石湖獨登楞伽山遊治平寺賦此簡寄

題李鹿山中丞學圃圖小照四首即次自題原韻

偈言十首寄萬峰臺以恬和尚用逸園韻

北平少宰招同雲衢簞林亮直寓齋雅集雲川以

事不至

小山詩後稿目錄

初夏雨窗試七寶泉示駿功昆仲

是夕復烹此泉重題一首

次韻和棲霞道人警迷吟四首

講堂言懷示自山定之并寄草堂諸同學

明瑟園即事

六月二十四日西蓮塘舟中書所見兼示駿功自

山定之

八月二日待謝皆人不至

是夕皆人夜分始至信宿而別

雙髻子歌贈棲霞道人舟中口占慰定之二首

少宰北平先生取余題新城公精華錄後文一篇

遠貽山左俾刻集後詩以志感

西田公寄示近詩一卷讀竟感賦 二首

贈琴道人 古怨辭 三首

立夏日程逸園招同惟寅定之暨令嗣自山遊西

山即事雜題 四首

題沈敬亭太守來書 贈金東塘

送別雙髻子 香濤弟五十初度

咏懷 清江濯足圖

喜晴 采蓮曲

納涼 步虛詞

題石谷畫 咏團扇

小山詩後稿目錄

二

相逢行 籠鳥

立秋日 送棲霞道人

擬王龍標出塞 擬杜牧之山行

擬表海叟題蘇李泣別圖

題畫空詞 小游仙

聞笛 學書

觀棋 放鶴

釣魚

雪中泛舟山塘登海湧峰

寒燈 詠古得魯連蘇秦 二首

虎邱竹枝詞

已酉孟春雪後入赤松山口占二絕句

淮上

四月一日新城道中見桃花

渡沂水遇武平令許二子遜

雨阻張夏過子遜飲

小除日覆校童子試口占

調任出晉江署後口占紀事 四首

去晉日重題 二首

答贈潘秀才子敦

山縣

鐵山道中

雲根書院謁考亭朱子祠

宣講大義覺迷錄

小山詩後稿目錄

三

八月二十日玉成堂會諸生講太極圖說

玉成堂觀種菜

龍山寺

東平里鄉收

觀釣

可歎

龍山寺小樓晚眺

護田道中 二首

玉成堂種菊

齋期漫興

即景

玉成堂前種桃

玉成堂獨坐

陟筠筑嶺 二首

宿嶺上邨 二首

由桐嶺渡西津再至東平里 二首

拙宦

東峰道中大雨

新坑即事

奉委與壽寧方明府互盤倉穀有贈

新坑曉發

聞 題補甌寧信

碎珊瑚

呈副使莊公 二首

送別潘子敦

漫成

新春小飲即事

春雨

題相思鳥

春晴

春月

題署齋老梅

觀迎神

春煙

春寒

六十生辰有感

礬山行館

瑄溪夜泊聞琵琶

卷二

小山詩後舊錄

四

傳經閣雜書四首示程逸園暨令嗣自山

讀韓詩示自山定之

西番菊

珍珠蘭

傳經閣重題四首用原韻

江邊

傳經閣三題四首仍疊前韻留別

分得觀魚賦短古三章贈沈敬亭觀察之任西江

丙辰北行示二三同志 三首

題汪芋園小照

秋日過愍忠寺贈天月和尚 二首

秋思一首遙簡蕙帶洗桐

賦得山鷄舞鏡

贈楊長樂友桐四絕句

友桐次韻枉酬再疊韻贈之

四首

香祖謝二兄膺鴻博之薦後期不至丙辰冬相遇

都門出諸公贈詩見示亦成六韻贈之

次韻和香祖自嘲

次韻和香祖冬暮傲擊壤吟

為甘泉給諫題十二花圖

人日集吳眉菴少司馬寓齋即事四首用青瑤集

中人人日樂城書院讌集原韻

拙園宮詹七十三誕辰奉贈

二首

曹徵君秋坪八十初度賦贈

小山詩後稿目錄

五

次韻奉和蔣太僕春日題漱芳軒菊四絕句

次陸梅亭王氏園看花韻四絕句

題傅廷玉小照

二首

呈拙園宮相

次韻和友桐送春

四月二十日拙園招集觀芍藥

題謝香祖初日芙蓉小照

香祖帶經圖三絕

硯香書院圖

偶誦蘇長公頭白江南醉司馬之句足成二絕

無題四首次韻

為謝梅莊侍御題軍中學易圖

贈謝進士棟園

五月四日寄香濤弟

午日即事

都門送陳候官桐邨還吳四絕

為三餘主人題極樂菴主所寫菖蒲石

為耨亭徵君題江楓漁火圖兼以送別

永樂署中
為滎河令題還淳樓

冬日赴沁州攝篆作
春日介休道中

安邑道中即景
芮城寓齋漫興

公餘口號
瞻蓮閣偶述 二首

四月十三日涇河道中聞擢守成都之信感愧而

作二首

為明孝廉李淞泠先生擬樂府三篇 并小引

小山詩後稿目錄

六

辭婚榮
陞西城

毀簫歎

得閒居即景雜書 三首

題永樂署壁

歷山邨勘電災

題畫 二首

錦江書院山長張孔昭以年景花見餉

雪中送永寧觀察劉公

除夕前三日益州官舍書懷

西甌鄭有章秋試歸里贈以團茶湘管題五言古

八韻送之
讀唐書五行志作 二首

立春前二日即事口占
病起

紀事 二首
郡齋漫興

觀景兒新句作
擬古 二首

題崇寧尉李南陔詩文集

放歌

忽不見

趙清獻公琴鶴銅章歌三章

并引

鷺粟

木香

偶感

枕上

即事

石獅

思歸 二首

筍

枯梅

老杏

芭蕉

示景兒

即景

退衙 二首

感題 二首

送永寧公歸櫬作

小山詩後稿目錄

七

初夏漫成

懷工部草堂

獨坐

寄南陔李尉

竹

散步

對鏡

獨酌有懷

昆河衰柳

題畫扇 二首

畫竹

小山詩後藁卷一

太倉王時翔抱翼著

原字
鼻謨

余自甲辰都門旋里丁未春近客楓江方生定
之爲余召仙適青蓮降乩道余生平甚悉皆
寓七言一律中程逸園賦詩枉訊次韻答之
策馬頻過郭隗臺不逢市駿又歸來香壇肅穆通靈氣
綵筆紛披見異才仙桂已從秋月墮寒梅空費早雷催
憑君話我箋天事花向蓬山深處開

二月十三日家箴六檢討六十誕辰聞是日泛
舟石湖獨登楞伽山遊治平寺賦此東寄

六十抽簪髮未華江湖幽思渺無涯直將好尚追千載
莫道生辰後百花潑翠新嵐如疊髻問紅小艇似浮槎
聞君高覓松牕坐自捧茶甌當吸霞

題李鹿山中丞學圃圖小照四首即次自題原

韻

解組身雖隱懷忠地豈疎心懸溫室樹業托漢陰蔬靜
憂蕭蕭竹清穿淺淺渠浩歌翹首望日出自携鋤
顯晦循天運心安與境宜栽培及葵藿保障寄樊籬嫩
葉翻風處清齋摘露時君恩存一飽此意古人知
脆甲連畦長垂楊夾徑微四山深窈窕百卉暗菲菲物
外求真味閒中耐苦飢太官羊已謝自有土羔肥

本是南牀貴偏同北郭貧寫圖成老圃招隱撰良辰變

服人難識孤標誰與隣好寒芳草佩終得見陽春

偈言十首寄萬峰臺以恬和尚用逸園韻

萬峰臺峙湖山窟勝地名藍舊所諳中有真僧鍊真性
白雲深護白雲菴

照暗心燈靜裏然問公何處覓良緣散花萬點飛如雨
娶得亭亭五色蓮

輪珠百轉終無定貝葉千縑總是多夜半羲車如火赤
可憐無奈月明何

庭前柏樹枝枝秀爐內旃檀片片宜一卷楞嚴支肘坐
花開花落不曾知

風疊輕羅鋪水面煙橫束素露峰尖更無人處憑高立

小山詩後書卷一

二

空色何妨此地兼

求佛求仙皆夢裡宗南宗北盡魔中饒渠五百安心法
不及無心一字空

浮雲變幻古今新三尺簾遮野馬塵係此禪牀竟安用
衣珠覓得是真身

曉揭金經誰共課晚燒玉版可同叅寺門縱有獅王踞
大力牛從雪嶺探

碧霞翦作衲衣穿擬取香茅蓋竹椽爾我莫生分別相
萬峰原與一峯連

水似道心清不染山如佛髻淨無雲回看九點煙何許
一片紅埃間紫氛

北平少宰招同雲衢箚林亮直寓齋雅集雲川
以事不至

愛士夙推韓吏部吳閩無事寄居年都來蘭省龍文手
共醉楓江漁火天小杜風流何處所少微隱約轉蕭然
一尊櫻筍成佳會且向人間作散仙

初夏雨窗試七寶泉示駿功昆仲

幽齋隔囂塵雨洗林光綠雍容談經暇華池資灌沃
彼七寶泉昇致自巖麓烏薪發文火魚眼漲初熟傾甌
素濤圓照影明如玉鼻觀凝清香舌底餘甘續匪僅棄
渾酪直可踈醞醪余本淡蕩人對此百事足幸免玉川
禍兼無鴻漸辱高吟代書券索置三千斛

小山詩後堂卷

三

是夕復烹此泉重題一首

明燈散芸帙汲古展襟抱風鼓紅泥鑪重淪細研討滌
腸去羶濃澆喉潤枯燥佳品補茶經庶貽後賢考方其
在山時賤視等行潦濯足同滄浪邗豎豈知寶嗟茲一
泓泉潔清空自好昭信藉洞酌可以散蒼昊何當薦郊
壇宮酒共祠禱悵焉感伊人巖棲以終老

次韻和棲霞道人警迷吟四首

珠簾畫閣香沈沈繪影描香墨海深自被秀師呵綺語
不題花月到於今

易散由來是彩雲癡腸一寸萬絲紛何人天半驚春夢
傍曉清鐘枕上聞

崔護桃花一樹陰
天涯空繫十年心
東風片刻飛紅雨
零落殘香不可尋

月破重雲射碧紗
回頭便可事昆耶
狂猿息影空山坐
百果林中未是家

講堂言懷示自山定之并寄草堂諸同學

余本蕭散人性不喜羈束古賢以為師嘯傲遺流俗結
交天下士高談雜歌哭非敢貌中行狂狷聖所錄憶昔
玉京游門庭藉華族忝為東閣賓軒蓋紛如簇順風揚
微聲文譽爭推轂公卿托交契英俊共馳逐三年素衣
緇一笑返空谷折梅蒼山根采蓴晴湖曲於世亦何求
偷然此焉足屢蒙金門客招我秉文局閩豫兩遨遊敬
愛專委屬相對必心傾相辭定着感平生熱血腔換此
淚盈掬年來倦羈旅閉門守幽獨羣彥競扶輪載酒菲
堂數偶作稻粱謀近就楓江塾主人禮意勤學子良自
淑英英廟堂器磊磊藍田玉國寶世所希何以相礪琢
自顧疎放姿何以導前躅衰懶恐遺誤素飽常內惡雖
萌去矣懷未忍言歸速斐然念吾黨盤桓以千丁

明瑟園即事

緒風翼輕舟往挹春巖翠
言尋杞菊園蕭寂雲烟閱喬
柯表林樾古藤牽薜荔
疎香墮殘梅引步入幽邃
穿石復臨溪一笠孤亭歸
山雲釀飛雨微寒襲游袂
升閣見漁樵拓窗開遠思
寓公停華軒良友自越至
淹留聆清

談命酌遂成醉明發懼迴旋周覽重延跂轉憶天隨子
超然此高寄玲玲三珠樹清芬守先志

六月二十四日西蓮塘舟中書所見兼示駿功

自山定之

扁舟曉發穿清溪楞伽山外蓮塘西是時六月久不雨
稻根水渴餘乾泥桔槔聲滿赤日烈令我側悵中心悽
濃雲漲墨忽黯黯電母張睽雷槌輦徐徐輕風起蘋末
驟作駭浪堆玻璃肅然坐定仰空望蜿蜒欲下三龍低
一龍純白稍居上二龍色黑近可梯雙尾垂波波逆捲
勢欲蕩決江湖隄竊疑銀漢萬萬頃豈待俯吸枯涔蹄
私憂水重不可載媧石壓破驚羣黎祇願須臾甘雨沛
活苗兼拭農人啼神龍變化世莫測丈夫會合風雲齊
三君少壯吾老矣好養鱗甲乘虹霓

八月二日待謝皆人不至

十年一見別何輕日暮遲君話夙盟空詠澄江如練句
青山長憶謝宣城

是夕皆人夜分始至信宿而別

漁火照船如葉輕帶星江渚踐鷗盟不眠連夕對牀語
直到曉烏啼古城

雙髻子歌贈棲霞道人

道人雙髻子本是洞府仙偶騎白龍戲滄海東遊澗水
風泠然當湖乍浦飛紫氣蕭散人間四十年我聞其名

未曾識一倡遙緘窺定力春燕秋鴻兩渺茫吳雲越樹
空相憶雙鬢子辭仙關飄飄碧霞衣乘雲下墮楓江灣
手持真訣二十有七字訪我於酒人之隊詞客之班狂
吟爛醉斲性斧何如保鍊離塵寰我觀雙鬢子貌古精
神充一髻西一髻東兩丸日月何瞳矐一髻高一髻低
乾坤二氣無端倪鉛汞成兮谷神現坎離交兮嬰兒變
金丹玉液滿壺中俯憐百歲同奔箭雙鬢子我不願分
刀圭於世得長生願聞至道使我方寸無牽縈消盡滓
穢餘靈明粲然一笑還上清

舟中口占慰定之

東歸十日我心勞泣玉猶聞激怒濤獨坐秋窗背秋月

小山許後臺卷

六

一燈深夜讀離騷

暫蹶霜蹄莫黯然轉頭便遇九方歎即今已播才名滿
未到蘭成射策年

少宰北平先生取余題新城公精華錄後文一

篇遠貽山左俾刻集後詩以志感

敬爲漁洋風雅主心香一瓣托遺文謬將勺水量滄海
敢比桓譚識子雲新得賞音殊鄭重遙緘敝帚荷殷勤
姓名卷末如堪附驥尾蒼蠅後代聞

西田公寄示近詩一卷讀竟感賦二首

客窗展卷夜燈殘天際孤忠使我歎萬死已甘酬主易
一歸未得乞身難蕭蕭髮久如霜白炯炯心常似血丹

十載綸扉經國手悲吟東閣布衾寒

荷甲羸糧盡塞垣老人八十獨身存君臣義重忘家難
骨月情輕爲國恩霜樹可禁風力猛冰簷猶望日光溫
如何一紙來千里隱約行間有淚痕

贈琴道人

底事道人名作琴調絃猶恐未調心玉卮孃子傳眞印
一點靈明一點金

古怨辭三首

夢南郎馬北夢東郎馬西願作道旁草從郎藉馬蹄
逢郎無一言惟有淚可灑妾心已百結何能向郎解
明月何皎皎照醒不照睡願借郎邊月照妾枕上淚

小山詩後藁卷一

七

立夏日程逸園招同惟寅定之暨令嗣自山遊

西山即事雜題四首

浮生寄天地歲月迅如羽矧啓蒼龍駕羣芳悵無主赫
赫赤帝臨漸恐灼九土不藉清遊力曷寫中心苦桂楫
辭芳塘復輿歷深塢憑欄看雪澗直下注奔弩浣我百
結腸於以繞千古

盤紆步曲徑紺碧多精藍不見龍象空花布優曇屢
坐竹邊檻稍接閒人談轉覓高士跡兼禮詩僧龕念往
發遙嘒撫今愜幽探徐起視早暮斜景當西南

林淺俗駕喧褰裳再登涉支亭謝窈窕蓮峰造截業一
徑穿涼陰萬樹布新葉就選石牀平拂苔置壺榼留連

百杯飲淡蕩歡情淡醉語告山靈車棲在螽蟴乘風凌
丹梯天路從此躡

平生愛結客垂老與世疎得邁賢主人素心時共舒况
兼二三子一一皆璠璣節序適代謝風光可相於撥置
千載愁聊爲此日娛日盡興未畢夜闌始迴車秉燭更
呼酒欲別且躊躇飄蕭華髮影嗟彼春風徂

題沈敬亭太守來書

新奉求賢詔當塗故誼殷魚牋貽下士鶚表起徵君
賴有長耕研慚無可獻芹不知何以報滿袖碧山雲

贈金東塘

五字隨州去無能繼後塵自逢彈古調不敢薄今人楓

小山詩後書卷

影臨江宅鐘聲與寺隣兼聞孟德耀酬唱共忘貧

送別雙髻子

師來兩度說南華相對書堂喫午茶莫把這回輕易別
浮雲柳絮各天涯

香濤弟五月初度

蘭佩荷裳水竹居平生小隱玩禽魚口銜花下尋懽盞
眼冷人間覓舉書薄業祇期官稅足清門休問世情疎
與余共閱知非歲擬向衣畦對秉鋤

咏懷

放曠人間世原非達士懷千秋心未冷一醉酒如淮

清江濯足圖

試除白雲屨聊濯清江湍不作東華夢煙波萬里寒
喜晴

舊漲連新漲驚心拍岸濤三吳齊一笑霽色滿江臯
采蓮曲

蓮花學人面蓮葉障人歌多少邪溪女停橈說苧蘿
納涼

落日廣庭陰清飈拂素襟遙空飛玉笛喚起故園心
步虛詞

駕鶴珮珊珊天風鶴背寒六銖衣不見香氣繞芝壇
題石谷畫

泉挂峰頭碧松撐石脚青携琴有幽客彈與白雲聽

小山詩後集卷一

九

咏團扇

形與月同滿影和風共輕任將及時意耀此已涼情
相逢行

平生同里巷邈若隔河關識面知余意許君相往還

籠鳥

玉粒蒙相餽高空自有羣何時破籠去萬里薄青雲

立秋日

冰漿瑪瑙椀瓜片水晶盤不記逢搖落江楓綠未殘

送棲霞道人

道人學道兼通禪蒲團獨坐夜不眠打包一片閒雲去
收拾南華內外篇

擬王龍標出塞

月苦沙昏拔劍悲家鄉萬里斷歸期將軍可是陳都護
借問何年斬郵支

擬杜牧之山行

遙度巖扉逐澗斜閒閒雞犬似仙家清溪幾曲浮紅葉
不是桃花認作花

擬袁海叟題蘇李泣別圖

漢使生還大節全河梁攜手淚潛然降臣從此終千古
莫怨羈留十九年

題畫空詞

詞係余草堂學人錢溫徐庚暨猶子萬齡孺姪孫安國成所作

七子清才各一家競將綺語賽繁華就中須識波心月

小山詩後堂卷一

十

無色天邊稱意花

小游仙

天街如水月中趨不見丹枝見白榆却與歲星同謫墮
古松幽洞將羊珠

聞笛

碧雲初破月如鉤暗裏飛聲動客愁一點鄉心杳無際
玉龍吟徹鳳皇樓

學書

洗硯門臨水一灣晴窗試墨趁長閒平生愛學坡仙體
未免肥多似玉環

觀棋

白黑紛紜盡日塵石柺袖手聽松濤謝公賭墅東山老
不爲蒼生也自高

放鶴

高人無事草亭閒颺去仙禽霄漢間休覓蓬瀛鸞鳳侶
海風駕浪隔三山

釣魚

清江落日楓樹林竹竿嫋嫋烟波深虹蜺爲絲明月餌
誰曉直鉤無得心

雪中泛舟山塘登海湧峰

弄水尋山晚未回天公玉戲好銜杯錦韉畫槳須花月
誰肯衝寒索句來

寒燈

熒熒一點映牕紗客夢初回未到家江上層冰三尺凍
定無鄉信莫開花

詠古得魯連蘇秦

虎狼稱帝禍駸駸高節誰知蹈海心堪笑圍城趙公子
報功爲壽只千金

西過秦兵十五年壘壘六印世稱賢豈無金盡還鄉者
頭白篝燈刺股前

虎邱竹枝詞

妾船只傍綠楊絲郎繫青驄醉未知同日登山不相見
汲泉雙井總參差

已酉孟春雪後入赤松山口占二絕句

扁舟衝曉出橫塘
雪滿羣山耀冷光
獨踞孤篷擡首處
古松微露帶朝陽

橫截銀濤尾釣船
青雲看與白雲連
雪消梅萼香新吐
一樹凌寒分外妍

淮上

三月九日余奉徵書過淮上武昌副使王樓山以督漕

節於此余訪之舟中副使喜余至深談留飲酒將闌從者出銀斗獻客副使揮去命易玉卮手對勸余云君子比德於玉先生之謂也君其引滿從此上歷天階洵如珪璋之特達矣余爲立盡三卮而別醉占一絕紀其事

使君弭節駐清淮
停我鋒車寫別懷
多謝故人珍重意
玉卮親捧祝天階

四月一日新城道中見桃花

小山詩後集卷本

十三

荒莊茆屋柳絲絲
四月緋桃爛熳時
莫笑車中人白髮
試看花信北來遲

渡沂水遇武平令許二子遜

沂州沂水照人清
清似相逢許武平
一賦武陵空薦引
謫官應悔有詩名

兩阻張夏過子遜飲

客路斷行旅煩沽野店
春艱難當此日風雨對斯人
高嘯氣猶壯清談味更真
非因暫淹滯那見故情親

小除日覆校童子試口占

以下晉江作

纔封朱篆息紛紜
賴有餘功可校文
百里才難常自愧
九重恩大敢辭勤
蕭蕭學道鳴琴室
淡淡無心出岫雲

未識明年更何處願儲國士入鷓羣

調任出晉江署後口占紀事

萬赤攀留奈爾何斷腸應較雨絲多更堪急拍繁絃奏

一紙潘生孺慕歌士民間余調任之信羣至縣堂號

喧寂臣心總似水閒居臥疾挂禪燈依稀挨戶供齋米

紙閣藤床退院僧余出署之夕萬戶懸燈為余祈福每日輪送米薪蔬腐

纔辭官署有閒情拂几依然經史橫何事野人求識面

酸寒原是老書生有吳閩者踵門請見曰民處深山聞公好官未識面今不見永無見日矣余扶病見之問叩頭悲泣而去

借問我來何所得臨行父老哭嗚嗚祇將千尺無形綫

穿得溫陵萬淚珠此禪語也然而貪矣

去晉日重題二首

小山詩後董卷

海漕分糧十萬來陳陳紅腐漸成灰若非嗜義多漁戶

那得從容把別杯晉有漁稅向多溢額余自正課外多免之漁戶感焉及交代時積貯米內有七百餘石色小變新任未肯接收漁戶踴

躍進請買十日而盡余乃得行

紳士謳歌標綺帙吏民涕淚灑芳郊洛陽橋畔迴頭處

豈戀輕紅荔子梢余頻行紳衿贈送詩文一帙去晉日送者絡繹於道四十里不絕皆灑淚焉

答贈潘秀才子敦

溫陵薄宦二百日得友一人曰子敦其人長髯皓如雪

年逾七十神飛騫胸韜奇策曾獻用布衣草屨老華門

平生著述與身等上闡六籍關彙倫嶺南陳子天下士

忘年結契稱弟彙書中有語我最愛名以文久身道尊

子敦與陳元孝書有云身非道不尊名非文不久風塵末吏君不鄙當其將去來相存

手携孺慕歌兩紙坐定論說何瀾翻謂余能體 聖主
意慈惠下徹千黎元忽聞符檄調他邑扳留無計中心
燔白頭父老作呱泣女機農耒皆啼痕長謠永歎情未
盡使我慚汗流云云蓬茅豎儒性樸鄙謬膺劇縣抵觸
藩量材授地移僻壤矜憐實出制府恩晉民風俗頗淳
厚念我半載徒憂煩瀕行悵別乃交道非有棠蔭無能
諼君如愛我幸止口且飲醇酒勿復言

山縣以下政
和作

山縣城如斗荒閒稱不才怪鴟盤嶺下神虎護衙來寥
落晨叅散叢殘舊卷開書生餘結習吟嘯倚高臺

鐵山道中

小山詩後卷一

古

郊外入深谷雲煙與蕩摩心平嫌澗激眼飽賴山多細
雨猩衣點涼颺蒜髮梳塵勞渾未歇太息此巖阿

雲根書院謁考亭朱子祠

閩山今再到始一拜先生津筏千秋業雲根片刻程遙
遙吾道在寂寂此堂清斂步循牆退松聲和澗聲

宣講大義覺迷錄

大義分明在昏昏夢未知人猶忘帝力犬獨吠堯時自
振金鏞後長同木鐸垂開蒙勞 聖主日月照無私

八月二十日玉成堂會諸生講太極圖說

公餘開講席高館對秋山泗水已云杳濂溪猶可扳欲
探無極處祇向寸心間陡聽晨鐘發相期好閉關

玉成堂觀種菜

官舍依林麓，閒園草色荒。
揮鋤煩小吏，脫帽倚斜陽。
斷竹通泉近，分蔬帶土香。
自知貧薄相，不食太官羊。

龍山寺

龍山修竹寺，夜坐展楞伽。
暗裏驚沙影，泥中起淨華。
飢餐香積飯，渴飲趙州茶。
身寄非爲客，心空是到家。

東平里鄉收

社賽雞豚日，場登稻穀秋。
賦應供國計，官且就民謀。
樹黑僧房榻，山青佛寺樓。
催科兼索句，吏隱任優游。

觀釣

漾漾方池小，鈎垂半尺深。
試叅吞餌意，莫起羨魚心。

小山詩後書卷一

一五

海三千里長鯨，一萬尋那知任公子。
袖手正沈吟。

可歎

可歎東和地，膠庠滿棘林。
爲儒工訟牒，司教有蓬心。
良

尉泣歌久，高賢感化深。
要令知景仰，薄德恐難任。
童齋先生曾作

致和尉後朱子常往來此地余不自揣輒集諸生講儒先之學

龍山寺小樓晚眺

蕭寺簿書暇，斜曛好上樓。
紫凝山色暮，涼入樹聲秋。
籬落眠花犬，坡陀放草牛。
太平開畫卷，凭檻已忘憂。

護田道中二首

景物慰行役，籃輿一望中。
豆田花簇簇，米碓水淙淙。
石黛層嵐翠，丹砂落照紅。
相逢道南裔，猶見有遺風。
夜宿龜山先生

後裔
邨莊

稻熟分先後平疇穫漸稀
白花蕎麥小黃葉芋魁肥
窄窄山爲徑斜斜竹作扉
雲庄高臥穩倦鳥暮思歸

玉成堂種菊

僻靜宜栽菊秋籬及晚涼
官閒成野叟節好近重陽
得露應添色無花亦有香
休嫌宰彭澤髣髴是柴桑

齋期漫興

清和辭晉水來此忽深秋
晴雨分涼燠晨昏異葛裘
氣殊人易病地瘠景偏幽
獨坐青山晚齋心與道謀

即景

西日墮巖久迴光
生赤霞幽禽棲不語
病桂老猶花古

小山詩後集卷

六

寺清鐘動譙樓畫鼓搗
星中仰天末皓首髮鬢

玉成堂前種桃

種菜有餘地移桃比種桑
尋花初蓓蕾見葉已芬芳
夢得詩浮薄淵明記渺茫
祇期春到後風景似家鄉

玉成堂獨坐

破解山圍抱高居儼畫圖
青垂墻外袖黃墮檻邊梧
疊嶂雲吞吐遙泉聲有無
鈎簾閒拄頰政簡足清娛

陟筠筑嶺二首

破曉升高嶺風光媚
淡晴碧雲沾袖重紅葉襯山明
磴仄疑無路泉飛聽有聲
翻因爲人事到此愜幽情

直上應千丈低窺可萬尋
皺堆山臥起倒挂樹蕭森
稍

訝人行斷旋驚虎跡深危岡三十里涼照漸西沈

宿嶺上邨二首

屈曲盤千嶺來投嶺上邨白醅空自對紅燭與誰論枯
葉隨風影寒鳥守月痕夜分猶不寐思報 聖明恩

夢醒雲中閣高窗起獨憑山深遲見日溪冷易成水清
景差堪愛蠻風最可憎莫將心兀兀且任運騰騰

由桐嶺渡西津再至東平里二首

言從桐嶺路西濟水沄沄曉霧濃如雨寒山化作雲燒
畚農務畢糶穀市聲紛欲訪閭閻苦親民在一勤

日出已亭午陰森未減寒茶花殘帶白柏葉老逾丹石
戶離城遠山租到廩難重來童孺識笑指愛吟官

小山詩後集卷一

七

拙宦

拙宦貧逾甚乘閒自種蔬更無童飼鶴但有客歌魚報
國心終在謀家計轉疎劇憐兒廢學度閣蠹殘書

東峰道中大雨

冒雨蒼山道狂流撼石根涵濡同 聖澤沾被亦 天
恩晝障烟雲活螺峰竹樹昏每緣公務出勝景慰心魂

新坑即事

日暮荒岡暗黃茅夾路齊新泥傳虎印寒木少禽棲俯
瞰投蘿谷高攀踐石梯僕夫嗟况瘁行役豈容稽

奉委與壽寧方明府互盤倉穀有贈

海寓昇平久年豐慶萬箱濟民紅粟滿酬 主赤心將

接壤分邾郛聯交似陸羊因公各相過勉矣汲淮陽
新坑曉發

羣嶂排千疊孤邨結數家晨餐惟采苦薄酒不成霞日
淡升冰鏡霜消滴雨華敝裘寒且透那免從人嗟

聞 題補甌寧信

竊祿移三邑當官始一年褒揚蒙 聖主獎勵盡高賢
逾分方多愧叨榮轉自煎豈期微姓氏又到 御牀前

碎珊瑚

無名紅子碎珊瑚粒粒勻圓照路隅可是季倫如意擊
被風吹綴樹枝無

呈副使莊公二首

以下甌寧作

小山後葉卷

大

樞衣階下識和融泰宇天光一望中遂使末員持美醜
儼如學子坐春風玉溫愈覺堅無耦香淡徐聞緩有功
拜別懷公不成寐白頭漁火宿蘆叢

孤舟一葉對江潭峭壁危灘已飽諳摩漢未能終小鳥
吐絲自縛類春蠶楚卿漫說三無喜叔夜原知七不堪
最憶鄉園高臥處野梅花發照書龕

送別潘子敦

千里飄然至高吟七十翁多情建溪水相送武巨宮對
爾盈顛雪當余滿袖風臨岐珍重別揮涕意何窮

漫成

午衙初退興翛然半是詩人半是禪風遶碧梧秋葉葉

叢蘭花畔枕香眠

新春小飲即事

癸丑新正貳守漳江以銷篆餘閒日與門人徐迥懷及兒子景元拈韻各賦斷句歌以侑酒得枝字

清齋小酌試春卮淺醉從容度晝遲此地東風才思別
膽瓶猶放卻詵枝

春雨

得生字

霖霖朝來飛滿城遙滋土脉待春耕天公膏澤無私降
惡草隨花許竝生

題相思鳥

得如字

平生慣客苦離居常對頻伽貝葉書老向閩南逢此鳥
白頭吟薄馬相如

春晴

得重字

小山詩後書卷二

九

繁陰初解露天容簾影和花捲一重猶有少年餘興在
躡青心早上吟筇

春月

得庭字

峭寒入夜淡春星香霧空濛影半庭記得梨花枝上水
照人如夢復如醒

題署齋老梅

得偏字

偃蹇枯枝半不全花開猶自得春偏漳江從古無冰雪
好伴何郎白髮年

觀迎神

得靈字

漳州上元迎百靈僧巫雜還燈青熒金支翠旗去恍惚
銖衣颺舉風冷冷

春煙得籠字

麋纖雨歇碧濛濛
杏靨桃腮半被籠
老眼看花自如霧
莫將無力怨東風

春寒得花字

莫倚天南暖氣賒
春寒作意到貧家
采香一任情如火
噤口遲開五色花

六十生辰有感

桑弧蓬矢記初生
垂老孤踪滯一城
爲翦萑蒲驅小隊
昨宵親自挽弓行

礬山行館

蕭然土室只三間
獨坐公餘心自閒
百變近來知幻態

小山詩後藁卷一

十

煙雲昇滅對礬山

瑄溪夜泊聞琵琶

琵琶哀怨古今愁
楓葉蘆花一曲秋
試認青衫應濕遍
漳州司馬似江州

小山詩後藁卷一

男景元校刊

小山詩後葉卷二

太倉王時翔抱翼著

原字鼻謨

傳經閣雜書四首示程逸園暨令嗣自山

故人招我共郊居新著荷衣賦遂初插架牙籤三萬卷

重來書閣侶蟬魚

余自漳州司馬移疾歸回至是未及半載

桐葉陰多勝碧幢午風涼送雨淙淙誰知高臥陶徵士

却向君家借北窗

懶殘匿影畏人知門外無車問字時縱使醴陵才已盡

尚留餘錦付邱遲

時相從晨夕者惟自山一人

暮煙山濕句多才點閱曾叨月旦來莫讓班昭偏續史

好將蘭閣接蘭臺

自山賢配顧夫人太史西垣公文也五詩餘余最賞其暮煙山欲濕之句

小山詩後葉卷一

一

讀韓詩示自山定之

管鮑既已邈孟韓繼其蹤一願身為雲一願身為龍雲

龍騰天衢上下常得逢口吸滄溟濤勢挾扶搖風排閭

謁帝座共成霖雨功走也實所望交貴有其終慎毋憶

細故抑塞兩莫通丈夫期遠大開襟媿天空浩浩欲宇

宙混混包鴻濛孰為恩與怨寧論達與窮勗之崇明德

勵以結丹衷昔忝一日長晨夕效磨礪薄宦十年別喜

見學益充所訝雲龍交向背分西東願借巨靈掌壘龍

使雲從雲龍復相合令我心神融

西番菊

家愚子明府招同顧大行玉侍賦

嘉卉來殊方名與秋英儷色含紺碧奇質稟剛柔異九

層累而高五出互相蔽趾頂兼三才胎卵包萬彙檀心
凝微香鐵線裊餘致午開子漸收兄先次及弟稍稍爓
蔓生束縛志難遂緬彼陶家籬悠然使人醉

珍珠蘭

草堂小集同玉停愚千賦時乾隆元年五月余方復被徵召

徵召

猗猗盆中草閑衛周四曲種雖異九畹品乃同一族瑟
瑟綴何繁點點勻以簇仙服未染黃名姝方號綠幽性
避炎赫弱姿藉沾渥作佩恐難紉爲湯寧堪浴惕哉當
要門幸矣歸空谷謬傳王者香載賁美人躅

傳經閣重題四首用原韻

山樓清寂敞仙居默守靈光照太初颯還風雷驚夜半
忽傳滄海起龍魚

小詩後集卷二

二

老去無心夢葆幢擬追漫叟寄南宗百城未抵擁書坐
碧樹瓊瓏洞八窗

枯苑都緣醉不知涼風吹面醒來時依稀記有尚書約
待上衣船莫道遲

詞壇何限握珠才盡向蓬山橐筆來獨畏胡盧頻乞免

漫携燕石自梧臺

余方兩辭鴻博之薦

江邊

江邊射鴨竹枝弓漁艇常乘葦岸風如許煙波留不得
短簑新映曉輪紅

傳經閣三題四首仍疊前韻留別

勤攤六籍正閒居頭白渾如就傳初天許襟懷原磊落

不教終老注蟲魚

七寶高懸折慢幢洗心孤坐聽流淙空花重布維摩室
照徹應開日月窗

日色曛曠睡未知起來樹下立移時分明憶著前塵事
試看蜂衙報午遲

德門才子待掄才海燕香泥貢瑞來銜得泥金秋信至

梧桐實滿鳳皇臺

蜂衙燕瑞皆
記稱實事

分得觀魚賦短古三章贈沈敬亭觀察之任西

江

水深廣兮魚所飼長竿拗折筇簷棄大魚跳躍小魚戲
濠梁之樂人魚忘人不羨魚魚不餌

小山詩後書卷二

三

水深廣兮魚所舒依蒲依藻何徐徐悠然出沒得自如
魚樂安靜畏其擾君子養民如養魚

水深廣兮魚所活有害魚者求其脫不然鱗鬣遭屠割
救民之生在除暴救魚之死在防獺

丙辰北行示二三同志

明廷重推轂儲材選杞梓猥以爨後樗謬登山公啓鱣
帛再臨門驪駒當折筮竊祿素所慚彈冠詎云喜涉波
識淺深就塗權行止皎皎絲易染庸庸粟多秕撫躬傷
薄劣曷以酬知已憂心劇欽欽維用告子美

翩然野鶴下煙海歸路遠長鳴斂雪羽獨立矜風標寒
松散涼陰孤月流清宵素琴慰幽客三弄追雲韶此曲

古時有歛爾逢虞姚君子慎進退壯往咎所招短褐聊
可被長組匪易影秉禮而度義黽勉脂征軻

行行黃金臺燕昭那足述卿雲旦復旦照耀重華室下
有夔龍佐昌言許遠弼矧乃闢門廣因之羅俊密盡爲
元凱登併乏巢由逸田間蟻蝨臣敢以不才匿拜手頌
萬年海宇永寧謚轉憶 圓明園灑淚何時畢

題汪芋園小照

翩翩玉立身倏然寄花畹科頭踞雲根閒心入秋遠

秋日過愍忠寺贈天月和尚

古寺添金碧莊嚴望若霞潮音融梵唄雲影度禪花靜
挹淪波月閒探蘼雪瓜一編宗鏡掩且啜諗公茶

小山詩後卷三

四

玉京車馬地盡說軟紅香未免求官者無妨遜佛塲臺
山終一路浮世暫殊鄉莫信金襴外傳人別有方

秋思一首遙東蕙帶洗桐

時蕙帶乞休歸田洗桐連舉鴻博不至余被徵以原銜需次

客思渺無端憑高望眼寬南雲辭昔暖秋雪送新寒蕙
草香初斂桐絲靜不彈停槎天漢側聊與報平安

賦得山鷄舞鏡

限山字七排十一韻 擬作

南禽遠自殊方至毛羽新奇五色殷試啓璫樓探瑰異
乍開寶鑑映端爛分明影恰涵菱沼宛轉形如殼柘彎
颯還彩翎低復起矚緝趾去重還翅張繡段凌青漢
尾簾金花賽綠鬟大似圓光勾角距更饒餘態示幽閒
波心鷺拍輸雲藻日裏烏飛讓錦斑照膽受知甘委骨

棲巖無夢度孱顏于疇應笑家雞俗伏草終嫌野雉頑
幸逐紫鸞朝絳闕儼同皓鶴綴仙班不貪飲啄常拋粒
未慣扃籠欲逗關文采莫矜狂性歌好隨鳴鳳集岐山

贈楊長樂友桐四絕句

銀燈玉笛對心知
夜夜清歌漏點移
宛似登場施粉墨
六朝名士見今時

羈懷落拓總天真
四海交游半酒人
聞說清狂逢丙相
醉中不覺吐車茵

豪氣時時拂劒鐔
轉頭一笑散千金
誰知貧更添幽興
衝雪騎驢學苦吟

長樂賢聲十載傳
重思百里奏清紉
懸知肯爲春農計

腰笏親牽太守船

友桐次韻枉酬再疊韻贈之

泥沙有寶定蒙知
矢志惟應永不移
休道棲遲是淪棄
韜光正是玉成時

藻鑑竒才自有真
悠悠慎莫咎塗人
且沽美酒澆雙足
酣臥苔紋作錦茵

日將洮鴨淬霜鐔
氣吐長虹值萬金
有道今無不平事
蒼龍在匣未須吟

志業千秋盼可傳
寫心聊托七條絃
看君不是五湖長

天子呼來好上船

友桐和作有一帆
風飽五湖船之句

香祖謝二兄膺鴻博之薦後期不至丙辰冬相

遇都門出諸公贈詩見示亦成六韻贈之

清發小謝才高吟嘯莊雪永持一瓣香敬為漁洋設舒襟散蘭芳裁句含冰潔淡蕩遺世榮風規慕前哲既符孟公飲兼守稽生拙緇塵縱染衣逍遙抗羈紲

次韻和香祖自嘲

藤牽蘿罥緩辭家期候尚書未足嗟薪績漁洋山裏火但炊雲子不炊沙

次韻和香祖冬暮傲擊壤吟

消寒酒盞客顏酡髣髴逢迎洛下多可憶家山風雪裏梅梢香破白雲窩

為甘泉給諫題十二花圖

舊雨相逢話昔因燈前點檢暗傷神丰茸十二花俱在

默數題詩少二人

閩石秋涯已相經殂謝

人日集吳詹菴少司馬寓齋即事四首用青瑤

集中人日樂城書院讌集原韻

玉京人日軟塵中乍喜春光又不同西嶺雲消流淡月北枝梅放試和風金船滿未欺頭白晝燭明偏照面紅閩海十年成俗吏荷公忘分得從公

毓秀雙溪茗雪中劉恩深重昔賢同慈懷常被溫磨日懿訓兼吹長養風盈貯棗梨花樣碧壺藏琥珀繡斑紅肅瞻手澤思遺範天道于今報善公

公幼時祖母太夫人親加督課並兼調護每讀書至

夜分輒出酒果勞之其果礮酒器至今珍藏是夕傳觀坐客

寒水一片玉壺中遂致遭逢世莫同不獨涵濡歌湛露
直追喜起奏薰風掄才燕豫文光爛洗獄沅湘雪涕紅
至竟楚天傳異事梨園簫鼓說包公公撫湖南親決冤獄民
間爲演續龍圖傳奇
從容談讌夜方中雅令深盃舊雨同醉眼對人疑隔霧
高情留客坐生風太官羊蹴寒蔬綠上苑花移素壁紅
勝事靈辰須紀述美髯城北有徐公謂激齋
徐太史

拙園宮詹七十三誕辰奉贈

玉門留得老成人天馬馱歸紫塞塵借問綸扉皆後輩
重趨鶴禁悅前身酬恩一點心猶赤致力千絲髻已銀
奉使莫言同屬國計年僕指欠三春

還朝方喜罷從戎兩盡偏難孝與忠雲護龍墀依 聖

小山詩後畫卷二

七

主旌懸馬鬣憶先公天街燈火星流夜錦幃親朋嶽頌
中而我最知歸思切渡江鄉夢片帆東

曹徵君秋坪八十初度賦贈

昔年曾共客神京握臂論交記舊盟樓畔仲宣慚賦筆
洛濱子建擅才名監州我謝漳霞爛徵士人傳畫水清
最羨老萊兼逸婦青裙白髮餉春耕

次韻奉和蔣太僕春日題漱芳軒菊四絕句

春回暖谷同鄉家遠歷三時見九華獨抱真香吹不散
任他紅槿爛如霞

翠榦亭亭葉亦香常依芸閣伴縹緗光風初泛同蘭蕙
較勝蕭疎五柳堂

不落秋花信有神多情草木更誰倫每於曉月清光裏
影繪朝衣直到春

未須檀板侑清尊也莫離騷詠萋蓀但祝金英似金鑄
東風長施護花恩

次陸耨亭王氏園看花韻四絕句

芳華不覺到花辰蕭寂閒居物外身金谷玉津春似錦
懶將心逐採香人

小圃新編麋眼籬松陰常夢傲霜姿秋芳自是淒清種
不是春風獨不吹

繁昌一瞬過雲煙漫被續紛眩目前更有癡人尋較晚
傷心綠葉悔當年

小山詩後集卷二

八

優曇偶現豈須栽九點煙空不起埃莫為琪花探弱水
海山誰見有蓬萊

題傅廷玉小照

羣芳繞座奉華年白皙郎君儼似仙靜握瑤編春晝永
寶珠光定絳宮田

撲蝶攀花一闋春鳳槽龍管隔窗聞綠楊風外雙鴛浴
頰首闌邊是紫雲

呈拙園宮相

聖主崇純孝先臣懷至忠陳情今日事伏闕古人風大
節光青簡精誠感碧穹千秋垂盛美獨斷竟成功

次韻和友桐送春

春來春去未須憐
目送飛花意灑然
好景試看珠隋海
韶華真似箭離弦
撲撲簾殘絮絮何人捉
入壘餘香幾日延
獨有維摩病居士
破除結習是年年

四月二十日拙園招集觀芍藥

時澄觀公初奉
祭葵之旨

節候暄和景物嘉
門臨丹詔恰光華
試傾紫塞孤臣酒
重看金臺宰相花
破鼻繁香方暗省
卷波豪興轉無涯
君恩祖德團圞話
王謝于今有幾家

題謝香祖初日芙蓉小照

客兒年少日詩格
比風標暗省池塘
意蓮華露未消

香祖帶經圖三絕

羣動樂寬閒一笠
何瀟灑惺然挾策
人不是凶羊者

小山詩後畫卷二

九

抱篋侍清童更有
康成婢端坐儼深
思蘆簫牛背起
朝耕南岡下暮耕
西溪邊味腴吸經
液自漑一寸田

硯香書院圖

六籍裝牙籤嗟與
塵封同據實劄精
義探玄多鑿空吾
友硯香子風詩夙
稱雄恬吟以養性
遂與儒先通冲和
擊壤叟蕭散白沙
翁依林結講舍豈
惟墳典充道集在
虛白棲靜雲巖中
筌蹄竟何事飈輪
御鴻濛

偶誦蘇長公頭白
江南醉司馬之句
足成二絕

斜陽穿樹影瓊瓏
紅藥疎簾細細風
頭白江南醉司馬
一甌春雪醒吟中

夢華障眼薄如煙
朱邸重來了昔綠
頭白江南醉司馬

火中不覺涌青蓮

無題四首次韻

紈扇秋風賦怨詩錦屏春夢賺紅絲傷心夕照蕭疎柳
破楚門前第一枝

負異由來薄命多憂思空自致沈疴請看道蘊回家語
可奈嫺吟柳絮何

春風元是養花天日日東吹一徑偏江上寒梅高絕處
冷香孤豔不邀憐

冬饌冰盤已不收夏衾那復戀香篝合歡好勸擎花手
也向瞿曇放下休

為謝梅莊侍御題軍中學易圖

小山詩後筆墨全

一

嵩山黑雲遠連岱欲障皎日中天光但生黠黠不作雨
草木非秋多隕黃九關誅蕩幸正啓長庚忽獻箋天章
雖然一擊未得當直氣凜凜摧奸莖脩羅藥叉戰西北
試觀膽勇道益彰金盞鐵甲箭滿眼肅展河洛追羲皇
苞符上窺造化秘文字深搜姬孔藏鑿空不事餽釘掃
諦取精粹遺糝糠存凶進退占有數心亨遇坎安其常
一旦重華起元凱消長忻逢泰運昌

贈謝進士棟園

題余自傳
文極奇奧

紅輪燒空塵堀堞畫彎左腕支頭臥懶眼摩挲合復開
三百驪珠光照座句道辭與寡勝多隻字不捨前賢唾
神劍如鉞龍一絲雷閃金蛇燦天破制科墨義久度閣

汲古綆修深自課南宮戰捷馘千軍猶謂投時筆花澗
會待形墀對萬言纂典陳謨天下播蟠泥蚓竅苦吟人
報章險澁慚郊賀

五月四日寄香濤弟

龍趨簫鼓喧短棹西灣弄日暮水仙祠知君憶前夢

午日即事

蒲漿生午倦晚立空庭潔何處佩蘭人椿花零綠雪

都門送陳侯官桐邨還吳四絕

海鶴尋松不計程清時歸去獨藏名非關竹葉山翁術
莫認江南陳季卿

京華十丈塵飛范蠡湖邊可樂飢相勸休思雞肋味

小山詩後卷之二

二

故園猶及晚菘肥

石仄輪歌有輕軒彈碁局畔復何言好游山澤觀魚鳥
徑合飛書絕巨源

轉頭六月火輪紅去住情懷兩不同襪襪自嫌方觸熱
輸君高臥北窗風

為三餘主人題極樂菴主所寫菖蒲石

渡河借爲颿猶是第二月草剗道人頭指端生綠髮

爲耨亭徵君題江楓漁火圖兼以送別

高齋隣古寺清詠愛江楓釣艇迎歸客鐘敲葉墮紅

永樂署中

官舍清幽意泊然紙窗泥壁一林煙牆陰秋菊黃鋪地

屋角遠峰青際天，菜甲甜多原易飽。布衾暖少亦安眠，浮榮勘破邯鄲醒。却傍東隣授枕仙。

唐吕公著永樂人，古祠在署東偏。

爲滎河令題還淳樓

還淳樓上望還淳，香渺黃流日夜新。但得魯山琴一鼓，聞弦自有辨音人。

冬日赴沁州攝篆作

蒲坂初臨東復西，旋來權刺古銅鞮。欲知沁水清如許，千里寒氷試馬蹄。

春日介休道中

綠楊官道映初暎，馬上春風拂面溫。一帶淡青山色裏，杏花如雪簇煙邨。

小山詩後集卷二

二

安邑道中即景

薄寒衝曉倚微酣，乍霽天光正蔚藍。山脚桃花山頂雪，斬新春景勝江南。

芮城寓齋漫興

抽閒行館惜芳華，一盞春醪夕照斜。獨踞胡床誰與對，頻婆樹下魏家花。

公餘口號

嶽影河流雲水鄉，是中吏隱好徜徉。高吟玉澗蓮洋句，拍几瓶花隨印床。

唐李義山本朝吳天章皆永樂人，義山以居近玉澗自號玉溪生，天章著蓮洋詩稿。

瞻蓮閣偶述二首

薄劣忝散秩，疊荷微書下。置身條華間，冷解頗瀟灑。暇

日升高樓四眺我心寫孟夏鬱眾綠羣樹暗郊野雲中
露青蓮笛外喧白社何來黃粟留一轉百禽啞清童侍
茶椀無酒亦堪把流目仙翁廬深悟萬緣假當前已足
樂委運任陶冶猶為明日計自哂非達者

昨歲遙蒲治駐此河山偏秦飢晉亦爾黎赤愁顛連檄

委事奔走抒忱殫微綿直陳兩邑災督運三州船去秋涇蒲甫四

日即奉委查臨晉榮河三縣秋災隨又委督蒲絳解三州沿河船隻至豫省太陽渡及靈閿等處運米接濟秦飢賴遇浩蕩恩噉

鴻獲安全冬春足雨雪麥隴青無邊彌望氣已飽不待

登盤筵憑高一舒嘯鄉邨殊宴然綠槐有新蔭可以容

酣眠竹牀施葦席聊引支頭顛

四月十三日匱河道中聞擢守成都之信感愧

小山詩後書卷二

三

而作

言從虞芮返三月初觀察劉公委赴芮城于役匱河旁雲矗蓮

峰峻風重麥隴香不才甘冗散漸老讓精強 寵命自

天至慚無報答方

聞說成都郡稱雄冠蜀城何當 聖明主輕付老書生

績未三年奏恩加五馬榮迴思布衣賤逾分使心驚

為明孝廉李淞泠先生擬樂府三篇 并小引

乾隆二年秋余奉委勸災樂河邑令李蔚峰出其曾祖父淞泠先生崇祀錄乞題許之而不暇以為明年夏余蒙 恩量移將有成

都之行恐負前諾謹摘錄中實蹟三條為人所尤難者擬作樂府以貽蔚峰言不在多期於可久而已先生名會河南尉氏縣崇禎

癸酉科舉人

辭婚榮

匹天孫兮世所榮淚霑襟兮辭不行親闈重兮帝室輕
先生少時適下詔選館甥邑人以其才品舉之遂憂感不食謂人曰
離父母以求非分之榮即死不願也見上官涕泗懇辭方得回籍

毀簫歎

嗟洞簫兮悔予吹之彼美姝兮胡為來斯夜叩門兮勿
謂莫知毀吾簫兮鬼神鑒茲
先生於宅外建筆花齋常讀書其中
因憶則吹洞簫以舒志一夕有少婦聞
簫聲來叩門厲聲斥去
遂毀其簫永不復吹

墜西城

守西城死西城東城既陷奚以生寇乃何人知我名墜
西城升九天臣骨碎兮臣節全
崇禎辛巳流寇攻尉先生以紳士
分守西城寇持偽符呼先生名來

招先生怒發天石擊去迨東城先陷賊
既登城復逼婦順先生大罵投城下死

得閒居即景雜書

小山詩後畫卷二

西

蛻籜龍孫長調雛燕子飛田間風景在忽憶舊蓑衣
火赤榴花豔金黃杏子甜楊梅偏入夢空對水晶鹽
數聲喧布穀五色爛戎葵庭滿忘憂草臨階折一枝

題永樂署壁

屋後條山擁門前秦嶺橫仙踪神劍杳詩派玉溪清此
地豈官廨於中無俗情那知雲棧外又作錦城行

歷山邨勘雹災

歷山古邨歷山裏當年古帝親耕此西去千層華嶽雲
東流萬里崑崙水昨日風雷帶雹飛芄芄麥穗可曾稀
長官下馬詢民事髮鬚靈旂捲翠微

題畫二首

霜楓挂絕壁煙靄凝遙岑石上坐仙侶對酌忘古今何
煩展綠字道書空擾心

宛宛芟葉碧垂垂蓼花紅水鳥各殊態野致不可籠秋
汀發遠思悵望釣魚蓬

錦江書院山長張孔昭以年景花見餉

石室先生花自栽歲闌移送帶蒼苔白頭太守支頤看
暗惜年光進一杯

書院即文翁石室

雪中送永寧觀察劉公

繡衣東出錦官城江上寒梅一萼清天意欲彰冰玉操
故將飛雪灑行旌

除夕前三日益州官舍書懷

小山詩後集卷三

五

鏤篆官齋景物清朝來休沐動閒情疎梅獨樹篩香影
密竹連叢戛玉聲報國無才添素髮懷鄉有夢濯塵纓
乞身好趁東風轉一棹江南綠水生

西甌鄭有章秋試歸里贈以團茶湘管題五言

古八韻送之

七閩有國士依親越三巴壯志輕萬里射策遠還家秋
槐杳天末春江泛仙槎我老惜分手臨岐重咨嗟贈以
景純筆佐之月團茶願展修月技揮毫燦竒葩靈娥顧
而笑天香紛雨華遂奪吳剛斧斫桂瀾流霞

讀唐書五行志作

至治陰消百物昌豈期汎溢徧諸方唐家有道如貞觀

七曜芒中見水祥

霜下青青草作茵不知常燠可宜人于今蜀犬無煩吠
皎日臨冬暖似春

立春前二日即事口占

節近青陽競舉杯兒童鏡鼓夜如雷莫教驚破羣花夢
留待東風次第開

病起

霏微春雨變春寒蜀國鶯花五度殘病起心情無藉甚
故園萬里莫憑闌

紀事

官糧十萬下渝川南國饑黎待此全莫怪錦城薪似桂

小山詩後集卷二

六

沿江捉斷採樵船

盛朝恩澤萬邦沾番漢因何忽戒嚴聞說元戎方整旅
雷霆要把螫蟲殲

郡齋漫興

破屋幽窗樹影圓瓠瓢棕杖境蕭然空餘太守頭銜在
半似瞿曇半似仙

觀景兒新句作

岷峨山色秀叅天點染新詩與鬪妍愧我未能追玉局
他年望汝繼斜川

擬古二首

唯阿世所權鯁直人所病事前忌鯁直維唯阿是競及

其禍患生知柔不如勤勸君樹松柏勿愛桃李盛桃李
非不妍松柏有貞性

位卑戒言高位高多自是言高固其罪自是恐非美好
善千里來拒諫人知止舉措關安危釐笑托生死三復
南山篇巖巖衆所視

題崇寧尉李南陔詩文集

李侯作尉斗大邑官卑意氣凌雲霄颯然下筆風雨動
唾斥凡近爭高超五言音希陳雅奏長句勢湧來春潮
荒園茅屋自矜詡抒寫胸臆緣無聊三記古崛不可句
上攀愚谷儕孫樵珠玉棄擲光燄在文章千載名常標
莫嫌位壓百寮底澗松何必輸山苗驕騮伏櫪深可惜

小山詩後集卷二

七

王良執策徒終朝

放歌

進酒莫辭滿唱歌莫短歌短聲易歇酒淺杯易竭放
歌聲長入雲端酒斟十分方盡懽頭顱雖白兩頰赤陽
春一曲和者難庭中有花香更豔柔姿冶態傾城面今
朝不飲復不歌便恐明朝落如霰吁嗟乎人生百年能
幾何有酒且飲歌且歌浮雲富貴君勿愛錦袍玉帶輸
漁策

忽不見

春晚樹陰陰黃鸝流好音遷枝忽不見惻悵獨傷心

趙清獻公琴鶴銅章歌三章

并引

蜀之守推秦李公永漢文公黨唐宋後代有名賢趙清獻公其一也趙公三淮成都攜琴載鶴傳為美談按公政治炳於史冊清德亦不僅以琴鶴顯琴鶴其寄焉已耳余忝承後塵幸職史冊仰瞻前哲奚啻萬里顧嘗四歷離堆山祀李公父子觀當年治水之跡慨然念鑿山灌漑之功至今為列女母歲親校諸生遊其佳者入文公之石室就學山長翠然物至文治之興於不衰蓋李以養文以教後之人惟遵循勿斲而已至趙公有琴余不能琴趙公有鶴余未好鶴則余於琴之二鶴之一而并無之乃忽得公之古銅章篆曰一琴一鶴此何以故境晤吾知之矣夫琴為德最優君子無故不撤琴瑟將以和其心而化其質鶴愛音而潔其之具人逸士寄跡煙霞者嘗駕而跨之以離於俗而遠於患余性剛耿不諧於時又年老當退學琴可以陶適駕鶴可以言旋余殆將脫軒冕離塵垢博清風於霄漢之表奏流水於海山之閒趙公其命之矣遂引琴鶴銅章而歌之曰

瞻彼琴兮器古而音和虞絃未往兮薰風載歌琴兮琴兮箏琶不可與同科

瞻彼鶴兮羽潔而志高鳳皇在笄兮爾獨逍遙鶴兮鶴兮燕雀不可與同巢

小山詩後書卷三

六

瞻彼銅章兮質堅而色溫土蝕不變兮綠染苔痕銅章兮銅章瓦礫不可與同倫

鴛粟

一曲蒼苔徑千枝赤玉盤映窗初旖旎委地已闌珊根淺紛披易妍多久駐難須知蘭菊品澹素耐人看

木香

時值三春殿名傳七里香裊藤升古屋架竹夾低牆榦屈蟠虬勢花繁聚雪光明年逢此際誰與更飛觴

偶感

寂寞空齋百事違靜觀物態足嗟歎兩雷稗草終難食風定楊花自解飛鸚鵡啄籠猶可鎖鸚鵡尋壘不忘歸

曾聞濯錦江邊水人飲能令義膽微

枕上

枕上鄉園在夢邊清和風物憶當年
鱒魚出水銀鱗潔竹筍調羹玉版鮮
翠館停鞍沽美醞晴江移櫂響繁絃
宦游久失芳華境憔悴東陽晚自憐

即事

屋瓦叅差長昔邪官齋一似野人家
携鋤自剗階前草插竹常扶雨後花
綠蟻浮浮開甕釀紫濤滾滾試團茶
應知不是貪閑逸添足由來戒畫蛇

石獅

蜀守堂前兩石獅何年剗刻少人知
未遭雨剝幽篁護

小山詩後卷三

九

長有煙籠碧蘚滋靈異久經喧婦孺
威稜猶足攘狐狸穹碑門外如林立
輸爾千秋香火垂

思歸二首

昔從閩嶠乞歸田半載仍耕隴上煙
被擢旋來三峽外辭榮已在十年前
開眸玉壘層層雪聒耳蠻音樹樹鶻
熊軾虎符非不貴其如麋鹿愛林泉

樊鄆涇口草堂閒家在東吳未得還
竹密已聞藏閣影梅添更說遶溪灣
羣峰疊竝鄉心亂古鑑明欺旅鬢斑
何日扁舟容解組茅檐曝背閉柴關

筍

通和堂外連叢竹每歲抽萌秋晚時
迸石性堅綠抱節

登盤味苦定非宜人驚裏穉如圍錦我喜垂梢似釣絲
直待分枝敷葉後清陰百尺月明知

枯梅

一樹枯梅不再榮春風於爾豈無情閑攀玉朶懷前夢
對吸松醪記宿醒雪凍倩誰還索笑雨肥空自望和羹
劇憐槁立銀牆影遶莫香魂月下生

老杏

花衰淡白墜成茵子滿金黃尚餉隣高處已齊千尺閣
種時須問百年人霏微夢濕江南雨紅軟愁沾薊北塵
幸托蜀都依漢相休言不見御園春

俗傳郡治基址
係諸葛公故第

芭蕉

後院芭蕉簇曉煙一重心展一重連乘軒不愛張黃蓋
啓牖長來坐綠天未怕森沈遮遠眺略嫌蕭瑟礙清眠
昨宵風雨三更過驚斷還鄉夢未全

示景兒

向爲淒清不自聊雙眉如結厭長宵新來乘興拈詩筆
遂且忘機對酒瓢至樂元知非外假閑愁莫使更生苗
試看花事隨春去洗琰高吟暮復朝

即景

陋室三楹塵漠漠荒庭十日雨濛濛階心芳草全交翠
牆角櫻桃半已紅宿棟雲歸陳迹在辭梁燕去舊巢空
無端觸忤傷春色楊柳依依入望中

退衙二首

日盼歸橈下錦江
退衙高臥客心降
但安枕簟羲皇在
豈獨閒居有北牕

一篆香清七椀茶
蕭閑不異隱淪家
晚來自展藤床坐
細領輕風紫棟花

感題

永寧觀察劉公停棺痘疾菴瀘寧司馬屠君
停棺大佛寺以友布衣時鶴年權厝白塔寺旁

旅觀齊停唱露晞
徧尋諸寺淚橫飛
生時官職分榮賤
身後何曾異布衣

談笑分明在眼前
故情深摯各相憐
若論馬齒猶居長
白髮離鄉路九千

送永寧公歸櫬作

小山詩後集卷二

三

荒郊走送一棺寒
老淚臨風衰未乾
豈必尊鱸動歸興
五湖煙水待生還

初夏漫成

習靜如僧晝日長
楞嚴半展坐焚香
官貧無物充檀施
摘剝櫻桃作鳥糧

懷工部草堂

五載成都守心期
悵久虛空吟杜陵
句未識浣花居

獨坐

獨坐意不適長廊
自繞行芟愁如薙草
剗盡又重生

寄南陔李尉

好在問仙尉
翛然可樂居
五言蘇李格
八法晉唐書
檄

爲親存捧心將俗陋除不妨兼吏隱幽興近何如

竹

荒署叢生竹攢攢密似屏新萌秋始發舊葉夏偏零透
月陰多碎搖風睡易醒鐫詩傷翠色不及故園青

散步

綠陰宜散步郭外正初晴桑老新絲見秧生布穀鳴日
催團扇舉風逐夾衣輕去去爲農好高原覓耦耕

對鏡

閑窗展明鏡對影一淒其鰲瘠憐今日豐盈憶往時生
花無笑眼染雪有吟髭莫以二千石終爲疏傅嗤

獨酌有懷

小山詩後藁卷二

三

瓊瓏歌已斷閑坐聽黃鸝獨泛郵筒酒微吟元相詞離
情悽落月醉面拂涼颼安得一尊共論文比舊時

昆河衰柳

昆河橋畔柳衰謝不勝情只爲生官道年年管送迎
題畫扇二首

千尋陡壁懸一帶疎林護遠水送輕帆中有還山路
濃淡山光別榮枯樹色分靜觀今古變獨坐對浮雲

畫竹

蕭疎一竿竹葉葉帶涼風翦取垂綸去滄江作釣筒

小山詩後藁卷二

男景元校刊

05450

